

www.BibleForChildren.org

Mat 1



Elisabet iropeya da kana nawaravi miikovimasago na
God ina aneya Gebriyel ivonatawei ku meyagai sago.
Meyagina kana vava Nasaret, Gariri dobuna kamoni.
Ivonatawei inae wiwike gubugubu sago kurina,
wiwikena kana vava Meri ma kana vopapara Josepa,
ma tuna na Kiivavo David tupurereghina.



Ma aneyina ivona bo, "Meri, ke
kuna yabumana. God ina agabiibai
gwabimuwai irakata. Kuna ropeya
ma kuni tuwa da natum tomowa,
ma kevi vavei Yesu. Ini
wawayaghama ma wawaya
kudubisi ina vonei da tuna na
God Kiidamo Makamakiina
Natuna. Rewapana Bada God
gwabinai ina viiya da ini kiivavo ina
kaekiki David nakanani. Jeikap kana
dam kamonai ini bada nonowa ma

ina vikiivavona
na ina makai nonowa."



Ma Meri ivona bo, "Taku na ke meyani
tomowa damina ata viiya. Tuna
kubiine ikikava da weni berasi ina
tupuwa kuriku?" Ma aneyina
ivonapotei bo, "Kanuma
Vovokaravina ina
towatepanim ma God
ina rewapana ina
rogum. Ma tuna
kubiine pepeya
vovokaravina kuni
tuwei da tuna na

God Natuna."



Nani murinai Meri ivovunagha ma
yaghiyaghinai ivomiiri, inumataya
ku kwanatu sago Judiya kamoni.
Inekiibau ma Zekaraya
ina ku numa irui da
Elisabet ivi
kiikiwei.




Elisabet, Meri ina vikiikiwa ivivi yanei na
pepeya manawina kamoni ikayopapara
ma Kanuma Vovokaravina itowatepani
da ikiirara, ivona bo,
"Wivine kudubisi
kamosiyai na tam
gwabimuwai Bada ina
vibiibiina irakata
kirakai. Ma bade
wawaya kikei kuni
tuwei, tuna yavata
na Bada ina
vibiibiina
kamoni."



Yesu Keriso na weni nakanani itupuwa. Ina
maduwa Meri na Josepa kana
vopapara. Muriyai da ita
ravaghi na Meri damina iviia
da Kanuma Vovokaravina ina
rewapanai iropeya. Ma
Josepa na tomowa
maninina, tuna
kubiine maranai
akova iviia da Meri na
roperopeyina, nota iviia
da gavugavunai ita voterei.
Ma ke wawaya matasiyai
ita berai da Meri
iti avaberowei.



Nakanani nuwanuwana ivivi tetei ma ina matu kamoni
Bada ina aneya kurina inekiibau. Ivona bo, "Josepa,
tam David tupurereghina, Meri kuna ravaghi
da kawam. Ke kuna yabumana, iyamna
Kanuma Vovokaravina ina rewapanai
iropeya. Meri ini tuwa da natuna tomowa
ma kuni vavei Yesu, iyamna ina wawaya
i berabero kamoni ini yawasisi."



Vaghina ma, Josepa irumataka ma aviyavisina aneya
ivonavonei na peyarina iberai. Meri irutini
da yavata imakamakai. Nani kamonai
Josepa, Meri damina ke ita viiya,
ikoyakoyaghi da iti tuwa. Ma ivi tuwa
da natuna tomowa ma Josepa tomowa
kikei ivi vavei Yesu.



Nani maranai kiivavo ghamana Sisa Ogastas sisiya
iterei da iyavo kava Rome damsi i rewapana gaburina
imakamakai na kudubisi
vivavatura ita berai, kii
vava ita giruma
da iti yavisi.



Ma wawaya kudubisi ivovira i ku dobu da kii dam
kamosiyai iti vavatura. Tuna kubiine Gariri dobunai
tomowa sago kana vava
Josepa ivomiiri da ina
kwanatu Nasaret
ikiibutawei.



Inae ina kaekiki David ina ku dobu, ku Beteliyem
kwanatuna Judiya dobunai. Josepa kana vopapara
Meri na roperopeyina ma
tuna yavata inae da
iti vavatura.



Ma Beteliyem
kamonai Meri ina
mara inekiibau,
damina iviia da
iti tuwa.



Vaghina ma ivi tuwa, natuna iyarokona ivi tuwei da
tomowa. Ma pepeyina kwarewa sinasinamisiyai igerei.
Ma numataya i numa itupo
kubiine, ghamoghamo kii
siga kamonai
ivi kenai.



Ma Beteliyem ririnai tomotomowa viya warereyai ivivi
makiiyana, didibarai i sipu ikoyakoyagha.




Ma Bada ina aneya inekiibau kurisi, ma bade Bada kana
kadara ioru da gweyurina nani gawarina iyasegana
yavui da sipu kii koyakoyagha
iyabumana kirakai.



Ma aneyina ivonesi bo, "Ke kona yabumana. Kurimi
apisi da vara biibiina ata vonemi. Weni varana kubiine,
wawaya peyarisi ini nuwabiibii
kirakai. Karako

David
ina
kwanatu
kamonai
kami

Viviyawa
itupuwa."



"Tuna na Bada, God ina Vivinevine Wawayina. Weni ini matakira kurimi da pepeyina kona panani, tuna kwarewa sinasinamisiyai igerei ma ghamoghamo kii siga kamonai ekenakena."



Aneyina ivi sisiya ikovi na yaghiyaghinai
aneyia korotona ghamana inekiibau
da God ivovokavakavari.



Peyarisi ivonavona bo, "God kiidamo makamakiina
tavokavakavari ma tighegheni da kana
kadara ina rakata."



"Ma iyavo kava dobuwai God nuwanuwami
eviiviiya na ina nuwanuba gwabimiyai
ina makai."



Aneya ikuyowesi ighae ku kunuma na
muriyai sipu kii koyakoyagha ti mani
kamosiyai ivona bo, "Tanae ku Beteliyem.
Ma weni berana Bada ivoneta da itupuwa
na takitai."




Yaghiyaghinai ivomiiri inae da Meri da
Josepa ipananisi ma bade pepeyina ikitai,
tuna ghamoghamo kii siga kamoni
ikenakena.



Sipu kii koyakoyagha ikitai ikovi na
ikikava aneyina wawaya kikei ivi sisiyei
na peyarina wawaya ivonaveresi.



Yesu Beteliyem
kwanatunai itupuwa,
tuna na Judiya
dobunai ma nani
maranai na
Herodi ivivi




kiivavo. Nani murinai nuwagiura
wawayisi maramatanai ipisi ku
Jerusalem ma ivivi tarakiiyana bo,
"Jiu damsi i kiivavo wekarakava
itupuwa na imapatana?"



"Ina tupuwa
matakirina na
gwamegwame
maramatanai
kakitai ma

kapisi da kata
vokavakavari."



Vaghina ma Herodi
maramatana wawayisi
gavunai ikwaturiyariyesi
ma gwabisiyai akova
iviiya da avi maranai
gwamegwamena inekiibau.
Ma ivonatawesi ku
Beteliyem ma ivonesi bo,
"Kona, ma wawaya kikei
koekwa bubuni. Kona panani
na kovovira da kona
vonavereku.
Ma taku
bade ana



nae da ana
Vokavakavari."



Herodi ina sisiya ivi yanei ikovi ma maramatana damsi
ivomiiri. Nani gwamegwamena maramatanai ikitai na
ivi nowesi da meni dobunai
wawaya kikei imakamakai na
tepanai ivi kiimiiriyeyi. Ma nani
ku numana irui na wawaya
kikei ina maduwa
yavata ikitisi.



Ma ivi tuwaporeruruwana, ma wawaya kikei
ivokavakavari. Ma i kutu ivi votaweyana da kamoni
gold, frankinsens ma meya iyuna
da wawaya kikei isuwarei. Ma i
matu kamoni God ivonesi da
ke ita vovira Herodi kurina,
tuna kubiine keta
bogiiyai iviia da
ivovira i ku dobu.



Maramatana wawayisi inae
ma muriyai Josepa ina matu
kamonai Bada ina aneya ivonei
bo, "Kevomiiri, wawaya kikei
ma ina maduwa yavata kona
nae ku Egypt dobuna,
iyamna Herodi wawaya
kikei inekwai da ina
kiiyunui."




"Nani dobunai kona makai
ma kara ana vonemi da kona
vovira." Vaghina ma, Josepa
wawaya kikei ina maduwa
yavata irutinisi, didibarai
ivomiiri ku Egypt da nani
dobunai imakamakai
da Herodi irabobo.





Weni berasi peyarina ivi
debeida aviyavisina rorova
mara katamaninai God
peroveta Hoseya kurina
ivi sisiyei da ita tupuwa
na itupuwa. Hoseya
igiruma da God ivona
bo, "Natuku ana
kwatui da Egypt ina
kiibutawei."



Herodi damina iviia da
maramatana wawayisi ivi
beroberowei na nuwanuwana
ipughu. Ma i sisiya inotapanani
da avi maranai gwamegwame
matakirina inekiibau.



Tuna kubiine sisiya bagibaginai
seri damsi ivonatawesi ku
Beteliyem ma bade ku
meyagai gisigisi Beteliyem
ririnai da kamosiyai
tomotomowa gisigisi kii
madegha ruwa ma gaburinau iti



kiivunuwana. Vaghina
ma berana iberai.





Kiivavo Herodi irabobo ma
murinai na Egypt kamona
Bada ina aneya matuwai
inekiibau Josepa kurina.
Ma ivona bo, "Kevomiiri,
wawaya kikei ina
maduwa yavata kuna
rutinisi kona vovira ku
Israel dobuna, iyamna
nani damsi

wawaya kikei ita kiivunui
na irukwa yavu."



Ma ivi yanei da Akereyosi
ivivi kiivavo Judiya
kamonai, tuna ina
mamai Herodi kana
gawara iviia.



Tuna kubiine
iyabumana ma ke ita kayokayowe
da Judiya kamoni ita makai. Ma matuwai
God ivonaverei da ita nae ku Gariri dobuna.




Tuna kubiine inae da
Nasaret kwanatunai
imakai. Weni berasi
peyarina ivi debei da
aviyavisina
rorova

mara
katamaninai God
peroperoveta kurisi ivivi sisiyei da
ita tupuwa na itupuwa, ivona bo, "Wawaya
ina vona da tuna Nasaret tomowa."



God wawaya dobuwai nuwanuwasi ivii
kirakiiyei da Natuna sago kava ma
iverena da iyavo kava ini tumaghane
na ke ina rabobo ma yawasa
makamakii nonowina ina viiya.



Rome 3:23 God na wawaya maninina ma kana kadara irakata kirakai da tota ke kovokovoghina da ita yawasa kati maninini da tuna nakanani, iyamna kudubita na berabero wawayita.

Rome 6:23 Berabero kana miiya na rabobo. Ma ita Bada Yesu Keriso tepanai na God nevana kava ipuyota, tuna puyona na yawasa makamakii nonowina.

Hibru 9:27 God iterei da wawaya sago sago duma mara sago kava ina rabobo ma nani murinai maghinonai ina miiri da ini tupavirei.

Epesas 2:8,9 God ina agabiibai irakata da ami vitumaghana kubiine ivi yawasimi. Weni tuna ke tami ami rewapanai, God nevana kava ipuyomi. Ke tami mani kota berai, tuna kubiine ke kovokovoghina da wawaya ini gheghena meyei.



Rome 10:9,10 Iyi tam kawamatarai kuna vona bo,
"Yesu tuna Bada," ma nuwanuwam kudubinai kuni
tumaghana da Yesu irabobo ma God iberai da rabobowai
ivomiiri na God yawasa makamakii nonowina ina verem.
Nuwanuwam kudubinai kuni tumaghana ma kawamuwai
kuni mamatara na God ina vonakiiyaragha da tam
na ina wawaya maninim ma ini yawasim.

Jon 3:16,17 God wawaya dobuwai nuwanuwasi ivii
kirakiiyei da Natuna sago kava ma iverena da iyavo kava
ini tumaghane na ke ina rabobo ma yawasa makamakii
nonowina ina viiya. Ma God Natuna ivonatawei na ke
dobuwai kovogha ita rereghi kubiine ma
dobu iti yawai kubiine.



1 Jon 5:11-13 Ma sisiyina ivi mamatarei kurita na weni.
God yawasa makamakii nonowina ivereta ma nani
yawasina na Natuna gwabinai taviia.

Ma iyavo kava God Natuna gwabisiyai na yawasa
makamakii nonowina namada iviia. Ma iyavo kava God
Natuna ke gwabisiyai na yawasa makamakii
nonowina ke ita viiia.

Weni sisiyisi agirugiruma kurimi da tami iyavo
kava God Natuna koitumaghane na kotakovi da yawasa
makamakii nonowina namada koviiia.



Mat 1-2; Luk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Gapapaiwa Bible (pwg) © 2009, Wycliffe Bible
Translators, Inc. All rights reserved.

<https://live.bible.is/bible/PWGWBT/MAT/1>

©2026 Bible for Children, Inc.

www.M1914.org

www.bibleforchildren.org

